

МОЛЕБНОЕ ПЕНИЕ
В ДЕНЬ ГОДОВЩИНЫ НЕЗАВИСИМОСТИ

Хор: БУ́ди и́мя Госпо́дне благословéно от ны́не и до

вѣка: *дважды, медленно; в это время духовенство исходит на середину храма*

Мирная ектения:

Диакон: Миром Господу помолимся.

Хор: Господи, помилуй.

Диакон: О свышнем мире и спасении душ наших Господу помолимся.

Хор: Господи, помилуй.

Диакон: О мире всего мира, благостоянии святых Божиих церквей и соединении всех Господу помолимся.

Хор: Господи, помилуй.

Диакон: О богохранимой стране нашей, властех, воинстве и о всем народе ея, Господу помолимся.

Хор: Господи, помилуй.

Диакон: О граде сем, всяком граде и стране и верою живущих в них Господу помолимся.

Хор: Господи, помилуй.

Диакон: О еже исправитися молитве нашей сей, яко кадилу пред Спасителем нашим Богом, и приятися сей жертве сердец и устен, исповедающихся Господеву в день спасения, Господу помолимся.

Хор: Господи, помилуй.

Диакон: О еже непреоборимү и победительнү всегда над враги Отечеству нашему быти, и мир и славу утвердити в земли нашей, Господү помолимся.

Хор: Господи, помилуй.

Диакон: О еже даровати нам благодать от ныне и до века верою и любовию возвещати спасение и силу и Царство Бога нашего и власть Христа Его, подавшемү нам силу и воздавшемү радость спасения Своего, Господү помолимся.

Хор: Господи, помилуй.

Диакон: О упокоении душ усопших рабов Божиих, Православных вождей и воинов, за Веру и Отечество на поле брани живот свой положивших, и всех отец и матерей, братьев и сестер наших, Господү помолимся.

Хор: Господи, помилуй.

Диакон: О избавитися нам от всякия скорби, гнева и нужды Господү помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Главную Владычицу нашу Богородицу и Приснодеву Марию, со всеми святыми помянувшие, сами себе и друг друга и весь живот наш Христу Богу предадим.

Хор: Тебе, Господи.

Возглас: Яко подобает Тебе всякая слава, честь и поклонение, Отцу и Сыну и Святому Духу, ныне, и присно, и во веки веков.

Хор: Аминь.

Диакон: Бог Господь и явился нам, благословен Грядый во имя Господне.

Стих: Исповедайтесь Господеви, яко Благ, яко в век милость Его.

Стих: Обышедше, обыдоша мя, и именем Господним противляхся им.

Стих: Не умру, но жив буду и повею дела Господня.

Стих: Камень, егже небрегоша зиждущии, сей бысть во главу угла: от Господа бысть сей и есть дивен во очесех наших.

Хор: Бог Господь и явился нам, благословен Грядый во имя Господне *(четырежды), глас 1-й*

Тропарь, глас 1:

Спаси, Господи, люди Твоя* и благослови достояние Твое,* победы православным христианом на сопротивныя даруя** и Твое сохраняя Крестом Твоим жительство.

Слава: и ныне: Кондак, глас 8:

Благословен еси, Христе Боже наш,* землю нашу Крещением просветивый,* людем ея низпослав Духа Святаго,* иуже и ко спасению приведый,** Человеколюбче, слава Тебе.

Диакон: Вонмем.

Предстоятель: Мир всем.

Диакон: Премудрость, вонмем.

Диакон: Прокимен, глас 4: **Сей день, егоже сотвори Господь, возрадүемся и возвеселимся вонь**

Хор: **Сей день, егóже сотвори́ Госпóдь, возра́дүемся и возвесели́мся вонь**

Диакон: Исповедайтесь Господеви, яко благ, яко в век милость Его.

Хор: **Сей день, егóже сотвори́ Госпóдь, возра́дүемся и возвесели́мся вонь**

Диакон: Сей день, егоже сотвори Господь:

Хор: **Возра́дүемся и возвесели́мся вонь**

Диакон: Премудрость

Чтец: К Римляном послания святаго апостола Павла чтение

Диакон: Вонмем

Чтец: **Бра́тие, вѹдите братолю́бием друг ко дру́гү любѣзни, чѣстию друг дру́га бо́льша творя́ще. Благословля́йте гоня́щия вас: благослови́те, а не кляни́те. Ни еди́ному же зла за зло воздаю́ще: тщи́теся о добром пред все́ми челове́ки. Аще возмо́жно, е́же от вас, со все́ми челове́ки мир имей́те. Не себе́ отмща́юще, возлю́бленнии:**

пѣсано бо ѣсть: Мнѣ отмщѣніе, азъ воздамъ,
 глаголетъ Господь. Аще ѹбо алчетъ врагъ твой,
 даждь хлѣба емѹ: аще ли жаждетъ, напоѹ его.
 Сиѣ бо творя, ѹглине огнено собираѣши на главѹ
 его. Не побежденъ бывай отъ зла, но побеждай
 благимъ злое.

Предстоятель: Миръ ти

Чтецъ: И дѹхови твоємѹ

Диаконъ: Премѹдрость

Чтецъ: Аллилуѹна, гласъ 2

Хоръ: Аллилуѹна *(трижды)*

Диаконъ: Премѹдрость, прости, ѹслышимъ Святаго Евангеліа

Предстоятель: Миръ всемъ

Хоръ: И дѹхови твоємѹ

Предстоятель: Отъ Луки Святаго Евангеліа чтеніе

Хоръ: Слава Тебѣ, Господи, слава Тебѣ

Диаконъ: Вонмемъ

Предстоятель: Рече Господь: якоже хощете да
 творятъ вамъ человецы, и вы творите имъ
 такожде. И аще любите любящыя вы, каѹ
 вамъ благодать есть? иѹбо и грѣшницы
 любящыя ихъ любятъ. И аще благотворите

благотворя́щим вам, ка́я вам благода́ть
 есть? и́бо и грѣшницы то́жде творя́т. И а́ще
 взаи́м дае́те, от ни́хже ча́ете восприя́ти, ка́я
 вам благода́ть есть, и́бо и грѣшницы
 грѣшником взаи́м дава́ют, да восприя́мут
 ра́вная. О́баче любите́ враги́ ва́ша, и
 благотвори́те, и взаи́м да́йте, ничесо́же
 ча́юще: и бу́дет мзда́ ва́ша мно́га, и бу́дете
 сынове́ Вы́шняго: я́ко То́й Благъ есть на
 неблагодарныя и злы́я. Бу́дите у́бо милосе́рди,
 я́коже и Оте́ц ваш милосе́рдъ есть

Хор: Слава Тебе, Господи, слава Тебе

Диакон: Помилуй нас, Боже, по велицей милости Твоей, молим
 Ти ся, услыши и помилуй.

Хор: Господи, помилуй (трижды)

Диакон: Еще молимся о великом господине и отце нашем
 Святейшем Патриарсе Кирилле, и о господине и отце нашем
 Блаженнейшем митрополите Онүфрии, и о господине нашем
 Преосвященнейшем епископе Филарете, и о всем во Христе
 братстве нашем

Хор: Господи, помилуй (трижды)

Диакон: Еще молимся о Богохранимой стране нашей, властех,
 воинстве и о всем народе ея, да тихое и безмолвное житие
 проживем во всяком благочестии и чистоте

Хор: Господи, помилуй *(трижды)*

Диакон: Еще молимся Господу Богу нашему о еже вси распри, раздоры, разделення, вражду и злобу всеконечно в державе нашей истребити, тишину же народу нашему даровати и миром вожделенным нас оградити, рцем вси: Господи, услыши и милостивно помилуй.

Хор: Господи, помилуй *(трижды)*

Диакон: Еще молимся о еже утишити всякие раздоры среди народа нашего, дух же ненависти и злопомнения совершенно искоренити и истинным братолюбием люди своя оградити, Милостивый Господи, скоро услыши нас грешных и помилуй

Хор: Господи, помилуй *(трижды)*

Диакон: Еще молимся о еже сохранитися граду сему и всей земле нашей от огня, меча, междоусобных брани и нашествия иноплемennых: о еже милостиву и благоуветливу быти Богому и Человеколюбивому Богу нашему, отвратити всякий гнев на нас движимый и избавити нас от належащаго и праведнаго Своего прещення, и помиловати ны

Хор: Господи, помилуй *(трижды)*

Диакон: Еще молимся о вождех и воинех наших, на поли брани жизнь свою положивших, от ран и глада скончавшихся, и о всех, погивших ради Отечества нашего, яко да даст им Царь славы в день праведнаго Своего воздаяния жизнь вечную и венцы нетления, нас же всех в вере и единомыслии утвердит.

Хор: Господи, помилуй *(трижды)*

Предстоятель: Услыши ны, Боже Спасителю наш, упование всех концов земли и сущих в море далече: и милостив, милостив буди, Владыко, о гресех наших и помилуй ны. Милостив бо и

человеколюбец, Бог еси, и Тебе славу воссылаем, Отцу и Сыну, и Святому Духу, ныне и присно и во веки веков.

Хор: Аминь.

Диакон: Господу помолимся.

Хор: Господи, помилуй.

Предстоятель:

Влады́ко Вседержи́телю, Святы́й Царю́. При́зри с небесе́ и виждь, ка́ко вражду́ют лю́дие земли́ на́шея и замышля́ют друг на дру́га сýетное и зло́бное. О, Многоми́лостиве! Прости́ грехи́ и беззакония́ на́ша, и́хже ради́ мно́гия скорби́, бе́ды и у́страшения́ приидо́ша на ны. Благода́тию Пресвята́го Ду́ха ороси́ любви́ю изсо́хшия сердца́ людскія́, те́рнием горды́ни и самолю́бия, ненави́сти и за́висти, зло́бы и вражды́, лука́вства и иных́ беззаконий поросши́я, да возра́стят горя́щую к Тебе́ и бра́тиям своимъ любви́ю, и ею́ да бу́дут истреблены́ вси распри́, раздо́ры, разделéния во Оте́честве на́шем. Усе́рдно мо́лим Тя: мир держа́ве на́шей дару́й, Це́ркви Твое́й и всемъ лю́дем земли́ на́шея. Ты бо еси́ Царь ми́ра и ми́ра Твоего́ несть преде́ла и Тебе́ сла́ва и благодарéние и поклонéние от

ВСЕХ ДА ВОЗСЫЛА́ЕТСЯ, НЫ́НЕ И ПРИ́СНО И ВО ВЕ́КИ
ВЕКО́В.

Хор: А́минь. БУ́ди и́мя Госпо́дне благослове́но от
НЫ́НЕ И ДО ВЕ́КА *единожды, медленно.*

Предстоятель: Благословенне Господне на вас, Того благодатию
и человеколюбием, всегда, ныне и присно и во веки веков

Хор: А́минь.

Предстоятель: Слава Тебе, Христе Боже, упование наше, слава
Тебе!

Хор: Слава Отцу и Сыну и Святому Духу, и ныне и присно и во
веки веков. А́минь. Господи, помилуй. Господи, помилуй.
Господи, помилуй. Благослови

И обычный отпуст Литургии

Диакон: Во блаженном успении вечный покой подаждь, Господи,
усопшим рабам Твоим, приснопамятным вождем и воином, за
веру и Отечество на полях брани жизнь свою положившим, и
всем, потрудившимся для славы и свободы Отечества нашего,
и сотвори им вечную память.

Хор: ВЕЧНАЯ ПАМЯТЬ *(трижды)*

Диакон: Благоденственное и мирное житие, здравие же и
спасение и во всем благое споспешение, подаждь, Господи,
рабам Твоим, православнаго благочестия ревнителем,
православным властем, вождем и воинству, и всему народу
нашему, и сохрани их на многая лета.

Хор: МНОГАЯ ЛЕТА *(трижды)*